



स्थानीय निकायया निर्वाचनयात कया विभाजित

ज्वजलपा वा:पौ/

वर्तमान ओली सरकारं स्थानीय निकायया चुनाव वइगु मंसीर महिनाय यायेगु धका: औपचारिक रुपं हे निर्णय याये धुंकूगु अले उकियात पारित यायेगु नितिं व्यवस्थापिका संसदय पेश तकं याये धुंकूगु दु ।

स्थानीय निकायया चुनाव गुखुन्ह यायेगु धका: तिथिमिति घोषणा मया:निगु अवस्थाय सत्तापक्षं गुगु कथं चुनाव यायेगु धका: घोषणा यात उकिं याना नेपा:या राजनीतिइ छगू कथं न्हूगु तरंग व:गु दु ।

सरकार पक्षधर एमाले, नेकपा माओवादी केन्द्रनिसं राप्रपा नेपाल मंसीर महिनाय हे चुनाव यायेगु पक्षय दुसा प्रमुख प्रतिपक्ष दल नेपाली कांग्रेस धा:सा स्थानीय निकायया पुनर्संरचना आयोग दयेके धुंकूगु अवस्थाय पुनर्संरचना जुइका जक चुनाव यायेमा:गु खं न्हयथसं मंसिर महिनाय चुनाव यायेगु धका: सरकारं धयाच्वंगु फयां खं जक ख: धका: धायेगु याना वयाच्वंगु दु ।

नेवा:तय्सं असार १८ गते

रिले अनसनय् ऐक्यबद्धता प्वंकीगु

ज्वजलपा वा:पौ/

खुल्लामञ्च चक्कं दबुलिइ रिले अनसन च्वनाच्वंगुप्रति ऐक्यबद्धता प्वंकेगु ज्या वंगु छुं दिं न्हय: नेवा: पत्रकारतयगु राष्ट्रिय संगठन नेवा: पत्रकार राष्ट्रिय दबूपाखें या:गु छुं दिं लिपा आ: वइगु १८ गते नेवा:तय्सं संगठित रुपं हे ऐक्यबद्धता प्वंकेगु तयारी या:गु दु ।

पहिचान, संघीयता, समानुपातिक समावेशीया मुद्दा ज्वना संघीय गठबन्धनपाखें रिले अनसन च्वनाच्वंगु ख:सा उगु आन्दोलनप्रति ऐक्यबद्धता प्वंकेगु नितिं तयारी या:गु दु ।

सोमवा: नेवा: न्हयलुवा: डा. महेशमान श्रेष्ठया संयोजनय् स:तूगु मुँज्यां नेवा: पहिचानया आन्दोलन न्ह्याकेगु नितिं व न्हूगु शक्ति संचय यायेगु नितिं संघीय गठबन्धन आन्दोलन - नेवा: ऐक्यबद्धता नां प्रस्तावित या:गु ख:सा उगु प्रस्तावित नां सर्वसम्मतं पारित या:गु ख: ।

असार १८ गते शनिवा: असनं न्यालीनापं तिंख्यलय वना: संघीय गठबन्धन आन्दोलनयात ऐक्यबद्धता कयनीगु जूगु दु । उगु ज्याभव: त:जिक यायेगु नितिं उच्चस्तरीय समितिइ ६ मह दुज: ल्य:गु दु । उगु उच्चस्तरीय समितिइ छसिंकथं डा. महेशमान श्रेष्ठ, मल्ल के.

सुन्दर, डा. पुष्पराज राजकर्णिकार, सुवर्णकेशरी चित्रकार, निरञ्जनरत्न शाक्य व सुजीव बज्राचार्य च्वनादीगु दु ।

अथेहे, साहित्यिक ज्याभव: यायेगु नितिं भुषणप्रसाद श्रेष्ठ, पुष्पराज राजकर्णिकार व सरद कसा: दीगु समिति नीस्वंगु दुसा अथेहे सांस्कृतिक ज्याभव: समितिइ रवि महर्जन, पवित्र कसा: च्वनादीगु दु । सांस्कृतिक बाजं व नेवा: संस्कृति प्याखं समितिइ सत्यनारायण डंगोल, पंचनारायण महर्जन, श्रीकृष्ण महर्जन च्वनादीगु दु । अथेहे, मिसा सहभागिताया नितिं शोभा बज्राचार्य, चेतना श्रेष्ठ, नानीहेरा महर्जन, शोभा महर्जन, शान्ता महर्जन दूगु समिति नीस्वंगु दु । अथेहे, न्याली व्यवस्थापन, धीथी संघसंस्था परिचालनया नितिं मनरत्न शाक्य, रविन्द्र श्रेष्ठ, रोजिन स्थापित च्वनादीगु दु ।

अथेहे, आर्थिक समितिइ निरञ्जनरत्न शाक्य व दिनेश श्रेष्ठ च्वनादीगु दु । नेवा: ऐक्यबद्धता ज्याभवलय शीर्ष नेवा: न्हयलुवा:पनिगु सहभागिताया नितिं मल्ल के. सुन्दरया नेतृत्वय् समिति नीस्वंगु दु । उगु उच्चस्तरीय समितिया नितिं धीथी ग्वहालि पुच:त दयेकेगु भ्द्वलय संचार समिति नं नीस्वंगु दुसा उगु समितिइ विजयरत्न असंबरे, प्रेरणा शाक्य व राजीप राजोपाध्याय दूगु समिति नीस्वंगु दु ।

माग यात सम्बोधन यायेमा: धका: नं धायेगु याना वयाच्वंगु दु । छुं जुया चुनावया मिति हे घोषणा यात धा:सा उकियात स्वीकार याना वनीगु अवस्था दु न्हूगु शक्ति । थुगु कथं स्थानीय निकायया चुनाव मंसीर महिनाय यायेगु धा:गु स्थानीय निकायया चुनावयात कया राजनीतिक रुपं विभाजित जुयाच्वंगु दु ।

अथे विभाजित जुयाच्वंगु अवस्थाय निर्वाचन आयोग नापं बौद्धिक मनुतयसं तकं दलतयगु दथुइ सहमति कायम याना जक चुनाव यायेमा: धयाच्वंगु दु । थुगु ल्याखं स्वल धा:सा तत्काल राजनीतिक सहमति जुइगु अवस्था धा:सा मदु ।

उकिं चुनावया संभावना नं तसकं म्हो दु धा:सां छुं पाइमखु । छुं जुया चुनाव हे यायेगु ख:सा आ:या अवस्थाय दक्ले न्हापां राजनीतिक सहमतिया हे आवश्यकता दु । थुगु खँय सत्तापक्ष स्पष्ट जुइमा: । उकिं वर्तमान ओली सरकारं गुगु कथं पला: ल्हवनीगु ख: धका: मनुतयसं स्वयाच्वंगु दु ।

अले आन्दोलन याना वयाच्वंगु हातलय यथास्थितिइ चुनाव याके संघीय गठबन्धन धा:सा गुगु नं मविइगु पक्षय खने दु ।

उगु हे कथं डा. बाबुराम शक्ति नेपाल धा:सा चुनावया भट्टराईया नेतृत्वय् दुगु न्हूगु पक्षय दुसा आन्दोलनरत पक्षया

आ: गजब छ्याक: ल्वहं लागा

ज्वजलपा वा:पौ/

किपूया छ्याक: ल्वहं लागाय् छि वनादिल धा:सा अजु चायेफु । मंगल स्कूल च्वय् च्वंगु छ्याक: ल्वहं चाक:हिइक च्वंगु ल्वहं प्वला चिकं अ:पा: सिइगु ज्या जूगु दु । चिकं अ:पां सिया त:गुलिं न्हापाया छ्याक: ल्वहंसिवें तसकं पा:गु खने दु । उकिं आ: गजब जुल छ्याक: ल्वहं धका: धायेगु यानाह:गु दु ।

पर्यटकतयगु आकर्षणया केन्द्र यायेगु कथं छ्याक: ल्वहं लागाय् छुं दिं न्हय:निसं छ्याक: ल्वहंया ल्वहं प्वला: स्वयेबलय हे छ्याक: ल्वहं खने दयेक चिकं अ:पां सिइगु ज्या या:गु ख: । किपूया इतिहास नाप स्वानाच्वंगु छ्याक:ल्वहंयात पर्यटकीय लागाया रुपय विकास याये फइगु तायेका स्थानीय सन स्टार क्लबपाखें आ: छ्याक:ल्वहंयात बांलाक खने दयेकेगु नापं उगु लागायात आकर्षणया केन्द्र यायेगु आजु तया मर्मत यायेगु ज्या सुरु या:गु दु ।


वंगु पुष २७ गतेया दिनय् नेवा: प्रदेशय आदिवासी जनजाति जागरण अभियानपाखें किपूया छ्याक:ल्वहंय वया मंका: कथं थुकलं विइगु ज्याजूगु ख: । अथे छ्याक:ल्वहंय थुकलं विइगु ज्या किपूमितय्सं न्हापानिसं याना वयाच्वंगु ख: ।

पृथ्वी नारायण शाह नं किपुलिइ अन्यायपुर्वक त्याकूगु अर्थात त्याके धुंका: नं मचात बाहेक सकलसिगु न्हाय तकं ध्यना विउगु इतिहास दुसा अथे अन्यायपुर्वक त्याकूगुलिं किपूमितय्सं तसकं बांमला:गु ल्वहं छ्याक:ल्वहं थें पृथ्वी नारायण शाह धका: थुकलं विइगु याना वयाच्वंगु ख: । उकियात हे लुमंका: नेवा: नापं आदिवासी जनजातितय्सं मंका: कथं थुकलं विइगु ज्या या:गु ख: ।

छ्याक: ल्वहंयात गुगु कथं आकर्षक दयेकेगु ज्या यानाच्वंगु दु थ्व धइगु छगू नमुनाया ज्या जुइगु संभावना दु ।



किपूया छ्याक: ल्वहं न्हापा व आ:





ज्वजलपा वाऱ्पो

सल्लाहकार

श्रीकृष्ण महर्जन

प्रकाशक:

नजरराम महर्जन

सम्पादक

श्रीकृष्ण तण्डुकार

ले-आउट:

ज्वजलपा डेस्कटप

संवाददाता

भरत महर्जन, निरजमान सिंह

थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४१४०१०७७

ई-मेल : kirtipur_sandesh@live.com

सम्पादकिय



पहिचानया नितिं नेवाः न्ह्यलुवातय्गु भूमिका

नेवाः स्वायत्त राज्यया नितिं आन्दोलन याना वयाच्वंगु नेवाः स्वायत्त राज्य मंकाः संघर्ष समिति माःगु कथं सक्रिय मजुयाच्वंगु थौया अवस्था । थज्वगु इलय् हे पहिचान, समानुपातिक समावेशी, संघीयता लगायतया माग याना आन्दोलन याना वयाच्वंगु संघीय गठबन्धनया गतिविधिइ तकं नेवाःतय्गु सहभागीता म्हो जुयाच्वन धकाः नेवाः ख्यलय् चर्चा जुयाच्वंगु दु ।

थीथी राजनीतिक पार्टी नाप आबद्ध दुगु मंकाःगु संगठन जूसां नं लिपांगु इलय् वया देय् न्यंकया नेवाः पत्रकारतय्गु संगठन नेवाः पत्रकार राष्ट्रिय दबूपाखें औपचारिक रुपं न्हापांखुसि छगू कथं आँट हे याना नेवाः संगठनया ल्याखं उगु आन्दोलनप्रति ऐक्यबता प्वंकेगु ज्या याःगु खः । पहिचानया मुद्दायात कया ऐक्यबद्धता प्वंकेगु नाप नापं अन वना थःपिनिगु अभिव्यक्ति तयेगु तकं ज्या याःगु खः ।

अथे हे लिपांगु इलय् वया भन नेवाःतय्सं उगु आन्दोलनप्रति ऐक्यबद्धता प्वंकेगु नितिं वइगु असार १८ गते जुलुस हे पिकया वनेगु धकाः तयारी याःगु दु । थुगु ल्याखं स्वल धाःसा संघीय गठबन्धनं यानाच्वंगु आन्दोलनप्रति नेवाःतय्गु आकर्षण नापं सहभागीता भन भन अप्वया वःगु दु । संघीय गठबन्धनया आन्दोलन धइगु मधेसीतय्गु आन्दोलन अले नेवाःतय्गु मुद्दा मखु धकाः धाईपिन्त लिसः विइगु नाप नापं अप्रत्यक्ष रुपं वर्तमान ओली सरकारयात तकं थःपिं नेवाः प्रदेशया पक्षय् दनी धकाः क्यनेगु कथंया ज्या नेवाःतय्सं याना हःगु दु । थुगु ज्या धइगु विशेष याना पहिचान पक्षधर नेवाः आन्दोलनकारी व न्ह्यलुवात सक्रिय जुया न्ह्याकाच्वंगु खःसा आः भन भन अप्वया वइगु संभावना नं ब्वलना वःगु दु ।

साहित्य/हाईकु

बुद्ध जिगु मिखाय्

ज्ञानबहादुर महर्जन नेवाः

किपू

१. गौतम बुद्ध

ध्यानमग्न जुयालिं

बुद्धत्व प्राप्त ।

२. ज्ञानया खानी

बुद्ध महानवाणी

थुइके भीसं ।

३. मखं जिं गनं

ज्ञान कायेगु लँपु

लुमनी बुद्ध

४. अनाथ मखु

अन्तरध्यान जुइ

मालेनुँपु ।

स्वंगू तह्या नागरिक दयेका बिउगु संविधान

स्वराज महर्जन

निक्वःगु संविधानसभां दयेका जारी याःगु नेपाःया संविधानयात मधेसीतय्सं अस्वीकार याना आन्दोलन यानाच्वंगु दु धकाः सर्वसाधारण मनूतय्सं तकं सिइ धुंकल ।

अले न्हूगु संविधान वसानिसें हे देशय् असहज अवस्था ब्वलंगु नापं न्हिया न्हिथं समस्या भन भन अप्वया वनाच्वंगु खः धइगु खँय नं सुयां निगू मत दइमखु ।

अले संविधानसभाया ८० प्रतिशतसिबें अप्वः सभासदतय्सं ल्हाःचिं तया पिकाःगु संविधान जूगुलिं नेपाःया ८० प्रतिशतसिबें अप्वः जनताया समर्थन दु धकाः प्रमुख दलया प्रमुख नेतातय्सं दावी यायेगु याना वयाच्वंगु दु । उकिं हे इमिसं नेपाःया जारी जूगु संविधान विश्वय् हे उत्कृष्ट संविधान मध्ये छगू खः धकाः दावी यायेगु जक मखु छगू कथं जारी जूगु संविधान धइगु गुगु नं इलय् संशोधन याये फइगु कथंया प्रावधान दु उकिं थ्व तसकं बांलाःगु संविधान धयाच्वंगु दु ।

संघीयताय् मदयेकं मगाःगु केन्द्रय् साफोदारी सरकार व प्रदेशय् स्वायत्तता, स्वशासन अधिकारया व्यवस्था खः तर जारी याःगु न्हूगु संविधानय् उगुकथंया व्यवस्था मयासे छगू कथं प्रशासनिक केन्द्र जक दयेकेगु कथं न्हय्गु प्रदेश निर्माण यायेगु प्रस्ताव हःगु दु । अज्वःगु संविधानं हे नेपाःया आदिवासी जनजातिनिसें उत्पीडित समुदायया हक हित स्थापित याइ अले समानता दइ धकाः दावी याना वयाच्वंगु दु प्रमुख दलया नेतातय्सं ।

थयक स्वयेबलय् ला दुई तिहाई बहुमतं छुं नं धारा संशोधन यायेफुगु बांलाःगु खं खःथे च्वं तर संशोधन यायेगु नितिं न्हूगु संविधान कथं हे संघीय प्रदेश अर्थात केन्द्रीय प्रदेशय् बनीपिं धाःसा व हे आगंसं ताःहाकःपिं नापं संविधानय् हे व्याख्या यानातःगु कथं खस आर्य (क्षेत्री, ब्रम्हु, थकुरी, दसनामी, सन्यासी)त थ्यनीगु कथंया व्यवस्था यानातःगु दु । अले इमिगु हे चाहाना कथं धाःसा संविधान संशोधन जुइगु अवस्था अवश्य नं जुइ ।

छाय् धाःसा खस आर्ययात नेपाःया संवैधानिक जाती याना बिउगु दु अले इमिगु भाग च्वनिसें क्वय्तक नं दइगु तर आदिवासी जनजाति, मधेसीनिसें उत्पीडित समुदायया भागयात धाःसा अनिश्चित याना बिउगु दु वर्तमान संविधानपाखें ।

आदिवासी जनजाति, मधेसीनिसें उत्पीडित समुदायया मिखां स्वल धाःसा जारी जूगु वर्तमान संविधान अन्तरिम संविधानसिबें नं ल्यूने जक मखु २०४७ सालया संविधानसिबें ल्यूने वंगु खने दु । अन्तरिम संविधानय् समुदायगत रुपं ल्यूने लानाच्वंगु आदिवासी, जनजाति, मधेसीनिसें उत्पीडित

संविधानय् नेवाः धकाः खँयः तकं मन्ह्यंगु तर खस आर्यया परिभाषा तकं बिइ लाःगु, अन्तरिम संविधानसिबें लिहां वंगु

जक मखु मां भाय्पात प्रदेशय् तकं छ्यलेगु सवालय् अनिश्चितता याना बिउगु, कला संस्कृतियात संरक्षण यायेगु भाला राज्यं मकासे भीत हे बियातःगु खँयात नं क्वथीक स्वया पहिचानया आधारय् नेवाः प्रदेशया माग याना वयाच्वंपिं नेवाःतय्सं सकल नेवाःतय्त संविधानया वास्तविकतायात थुइकाः थःपिनिगु अधिकार सुनिश्चित यायेगु नितिं माःगु पलाः ल्हवनेमाःगु ई वःगु दु ।

समुदाययात राज्यया हरेक निकायसं समानुपातिक समावेशी प्रतिनिधत्वया सुनिश्चितता यानातःगु खःसा आः जारी जूगु संविधानय् ला राज्यं उत्पीडनय् लाका मतःगु खस आर्य समुदाययात संवैधानिक जाती याना मेमेपिन्त धाःसा असंवैधानिक अर्थात निगूगु दर्जाया जनता दयेका बिउगु दु ।

२०४७ सालया संविधानसिबें नं ल्यूने वना खस आर्ययात जक संवैधानिक जाती याना बिउगुलिं अवश्य नं जारी जूगु संविधान जनजाति, मधेसीनिसें उत्पीडित समुदायया ल्याखं ल्यूने लाका बिउगु दु धकाः धायेत बाध्य याना बिउगु दु ।

नेपाःया संविधान कथं आः नेपाःया आदिवासी जनजातित सु सु धकाः परिभाषा यायेगु ज्या ऐन कथं जुइ । ऐनपाखें दयेकूगु आदिवासी जनजाति प्रतिष्ठानपाखें जक नेपाःया आदिवासी जनजाति सु सु खः धकाः उल्लेख याइगु जूगु दु ।

उकिं नेपाःया आदिवासी जनजातित सु सु खः धकाः व्याख्या यायेगु ज्या जुइ । अले दलिततय्त ला भन नियमावली कथं जक व्याख्या जुइगु वाला दु । दलित आयोग दु अले व हे दलित आयोगपाखें नेपाःया दलितत सु सु खः धकाः व्याख्या याइगु धइगु हे दलिततय्गु सवालय् नीति अर्थात नियमय् जक दुथ्याइगु अवस्था दु ।

वास्तवय् संविधान धइगु नेपाःया मूल कानुन खःसा व हे मूल कानुन कथं ऐन, नियमत तयार जुइगु खः । अले खस आर्ययात जक संविधानय् हे व्याख्या याइगु धइगु इमित संवैधानिक नापं न्हापांगु दर्जाया नागरिक धकाः घोषणा याःगु खः ।

अले ऐन धइगु संविधान अन्तर्गत दयेकीगु खःसा ऐन कथं जक नेपाःया आदिवासी जनजातितय्गु परिभाषा जुइगुलिं नेवाः नापं आदिवासी जनजाति व मधेसीत धइगु निगूगु दर्जाया नागरिक जुइगु अवस्था दु । उगु हे कथं दलिततय्गु परिभाषा ला भन दलित आयोगपाखें तयार याइगु नीति व नियमय् जक दुथ्याइगु जुया दलितत धाईपिं स्वंगूगु दर्जाया नागरिक जुइगु अवस्था ब्वलंगु दु ।

जारी याःगु संविधानया प्रस्तावनायात जक स्वल धाःसा दक्ले न्हापां सार्वभौमसत्ता सम्पन्न नेपाली जनता धकाः च्वयातःगु दुसा निगूगु थासय् नेपाली जनता धकाः जक च्वयातःगु दु । अले स्वंगूगु थासय् हाकनं जनता धकाः जक च्वयातःगु दु । प्रस्तावनायात जक बांलाक्क स्वल धाःसां आः नेपाःया नागरिकयात नेपालय् छगू सार्वभौमसत्ता सम्पन्न नेपाली जनता अले निगूगु नेपाली जनता व स्वंगूगु कथं जनता धकाः स्पष्ट रुपं च्वयातःगु दु ।

थुकिया अर्थ संविधानय् उल्लेख जूगु संवैधानिक जाती जूगुलिं खस आर्य सार्वभौमसत्ता सम्पन्न नेपाली जनता अले ऐन कथं परिभाषित जुइगु जुगुलिं आदिवासी जनजाति, मधेसीत नेपाली जनता अले नियम व नीतिइ जक दलिततय्गु उल्लेख जुइगु जुया इपिं स्वंगू दर्जाया नागरिक धकाः कन्हय् परिभाषा याइगु अवस्था दु ।

थुगु ल्याखं स्वल धाःसा वर्तमान संविधानं नेपाःया नागरिकयात स्वंगूगु पुचलय् विभाजन याना बिउगु दु । आः थ्व स्वंगू पुचः मध्ये दक्ले च्वय् खस आर्यत जुइगु जुया थःपिनिगु हक अधिकारया नितिं निगूगु दर्जाय् लाःपिं आदिवासी जनजाति, मधेसीत अले स्वंगू दर्जाय् लाःपिं दलितत जाना समानताया नितिं मंकाः कथं आन्दोलन यायेमाःगु अवस्था वःगु दु ।

थुगु खँय आः नेपाःया आदिवासी जनजातिनिसें नेवाः न्ह्यलुवातय्सं बांलाक्क हे बिचाः यायेमाःगु अवस्था दु ।

अले संविधानय् नेवाः धकाः खँयः तकं मन्ह्यंगु तर खस आर्यया परिभाषा तकं बिइ लाःगु, अन्तरिम संविधानसिबें लिहां वंगु जक मखु मां भाय्पात प्रदेशय् तकं छ्यलयेगु सवालय् अनिश्चितता याना बिउगु, कला संस्कृतियात संरक्षण यायेगु भाला राज्यं मकासे भीत हे बियातःगु खँयात नं क्वथीक स्वया पहिचानया आधारय् नेवाः प्रदेशया माग याना वयाच्वंपिं नेवाःतय्सं सकल नेवाःतय्त संविधानया वास्तविकतायात थुइकाः थःपिनिगु अधिकार सुनिश्चित यायेगु नितिं माःगु पलाः ल्हवनेमाःगु ई वःगु दु ।

नेवा: अनलाईन न्युज निदं क्यंगु लसताय् नेपालमण्डल टेलिभिजनयात हन



—ललेन्द्र शाक्य—

नेवा: अनलाईन न्युज दच्छि फुना: निदं क्यंगु लसताय् शुक्रवा: येँया नेपा: ब्याक्वेटय् लसता ज्याभव: यात ।

उगु ज्याभवलय् नेवा:तय्गु टेलिभिजन नेपालमण्डल टेलिभिजनयात हंगु ख: । नेवा: न्ह्यलुवा:लिसें पुलांम्ह पत्रकार मल्ल के. सुन्दरया मूपाहाँसुइ जूगु उगु ज्याभवलय्

नेपालमण्डल प्रा.लि.या नाय: कुमार महर्जनयात खादा न्ययेका: हनापौ ल:ल्हा:गु ख: ।

ज्याभवलय् मूपाहाँ भाजु मल्ल के. सुन्दरं नेवा: अनलाईन न्युज दच्छि फुना: निदं क्यंगु लसताय् अनलाईन न्युज नेवा:तय्गु मंका: भावना कुबिया: निरन्तर रुपं न्ह्यायेफयेमा: धका: कामना यानादीगु ख: । वय्कलं नेवा: अनलाईन न्युज

छगू संचार माध्यमं मेगु संचार माध्यमयात सम्मान याना: हनेगु, ग्वाहालि यायेगु परम्परा न्ह्याकल, थ्व च्छायेवह:गु ज्या जूगु विचा: प्वंकादिसें छगू संचार माध्यमं मेगु संचार माध्यमयात थुकथं हे थ:थवय् ग्वाहालि याना: न्ह्यायेत इनाप नं यानादिल ।

ज्याभवलय् हना ल:ल्हाना: कयादीम्ह नेपालमण्डल

टेलिभिजनया नाय: कुमार महर्जनं नेपाल मण्डल टेलिभिजन सकल नेवा:तय्गु टेलिभिजन जूगु विचा: प्वंकादिसें थुगु टेलिभिजन स्वरनिग: पिने नं लोकंह्वाना: वयाच्चंगु खँ कनादिल । उगु ज्याभवलय् नेपालमण्डल टेलिभिजनया प्रबन्ध निर्देशक भाईकाजी महर्जन 'नयन' नं भायादीगु ख: ।

नेवा: अनलाईन न्युजया निदं क्यंगु लसताय् नेपालभाषा ख्य:या थीथी ३२ म्ह व्यक्तितय्गु भिंतुना भिज्युलाइज याना: क्यनेगु ज्या जूगु ख:सा उगु ज्याभवलय् अनलाईन न्युजयात विज्ञापन बिया: ग्वाहालि यानादीपिन्त मतितना चिं ल:ल्हानादीगु ख: ।

अथेहे, किपूया कलाकार म्येच्वमि ललेन्द्र शाक्य, लय् चिनामि राजेश महर्जन व म्येहालामि सुविन श्रेष्ठपिन्सं दयेकादीगु म्यूजिक भिडियो नं सार्वजनिक याना: क्यनेज्या: जूगु ख: । नेवा: अनलाईन न्युजया कजि सुजीव बज्राचार्य लसकुस यानादीगु उगु ज्याभव: नेवा: अनलाईन न्युजया संरक्षक विजयरत्न असंबरें सुभाय् देछा लिसें ज्याभव: नं न्ह्याकादीगु ख: । ज्याभवलय् नेवा: ख्य:या पत्रकार, कलाकार, उद्योग व्यवसायी, नेवा: न्ह्यलुवा:पिं उपस्थित जूगु ख: ।

राराहिल स्कुलय् लसकुस व विदाई



किपूया प्यम्ह सहिदपनिगु नामं पलिस्था यानात:गु शैक्षिक गुथि अन्तर्गतया राराहिल मेमोरियल स्कुलय् थुगुसीया एसएलसी जाँचय् पास जूपिं थ: विद्यार्थीपिन्त छगू ज्याभव:यासें लसकुस व विदाई यात ।

स्कुल व्यवस्थापन समितिया नायो सूर्यबज्र बज्राचार्यया सभानायोसुइ जूगु उगु ज्याभव:या मूपाहाँ डा. विष्णु कार्की, प्रमुख गुथियार तुल्सीदास महर्जन, प्रिन्सिपल जगतवहादुर महर्जन, गुथियार पिं नारायण महर्जन, लिलावहादुर शाही, राराहिल फाउण्डेशनया नायो कृष्णवहादुर महर्जन, राराहिल अल्फ्युनाई एसोसियसनया नायो निश्चला महर्जन, सहिद परिवारया जुजुकाजी महर्जन, इन्द्रलाल महर्जन, पूर्व सचिव उद्धव वास्कोटा, प्रा.डा.शिवशरण महर्जन, प्रा.डा. रामकृष्ण महर्जन, स्व. पलिस्थाया मां बा श्रीलक्ष्मी मानन्धर व प्रदिन मानन्धरपिं भायादीगु ख: । प्यम्ह सहिदपनिगु किपालय् स्वांमालं क्वखाय्का व त्वारवालय मत च्याका: मूपाहाँ नं ज्याभव:या उलेज्या यानादिल । प्रिन्सिपल जगत वहादुर महर्जनं लसकुस न्वचु विइगु भवलय् उगु स्कुलं ५४ म्हसैं एसएलसी जाँच ब्यूगुली ए + १७, ए २८, बी + ७ व बी २ म्ह पास जूगु खँ कनादिल ।

स्वम्ह विद्यार्थीपिन्सं ३८५ ल्या: ह:गुलिं स्वम्हेसित नगद सिरपा: नापं बिया: हंगु ख: । पासजूपिन्त मूपाहाँ, मू गुथियार, प्रिन्सिपल नापं मेपिं पाहाँपिन्सं सिन्ह तिका: खादां क्वकाय्का: मतितनाया चिं ल:ल्हागु ख: ।

उगु ज्याभवलय् स्व. पलिस्थाया लुमन्तिइ वया मांवापिन्सं उत्कृष्ट जूम्हसित कदर पत्र बिया सम्मान नं या:गु ख: । एसएलसी पासजूपिं विद्यार्थीपिनि पाखें विनय भूपालं, कक्षा १० या विनिता महर्जन, मू गुथियार तुल्सीदास महर्जनपिन्सं थ:थ:गु मन्तव्य तयादीगु ख: । अनं लिपा सांस्कृतिक ज्याभव: नं या:गु ख: ।

काठमाडौं जिल्ला अन्तर विद्यालयस्तरीय खो खो कासाय् जनसेवा न्हाप व मंगल ल्यू

ज्वजलपा वा:पौ / काठमाडौं जिल्ला स्तरीय अन्तर विद्यालय खो खो छात्र व छात्रा धेंधेंबल्ला कासा वंगु असार ९ गतेनिसें किपू नयाँबजारया खेलकुद मैदानय् सुरु जुया असार ११ गते क्वचाल ।

नेपाल खो खो संघ काठमाडौं जिल्ला समितिया ग्वसालय् काठमाडौं जिल्ला—स्तरीय अन्तर विद्यालय खो खो छात्र/छात्रा धेंधेंबल्ला कासाया उद्घाटन संघया महासचिव सानुराजा शाक्यं असार ९ गते याना दीगु ख: । सुथय् बान्धि याना: न्हिं निक्व कासा न्ह्याकूगु

ख: । उगु कासाय् जनसेवा उच्च मा.वि., मंगल उच्च मा.वि, विश्व राष्ट्रिय मा.वि. ग्रीनफिल्ड उच्च मा.वि., कीर्तिपुर मा.वि. कुमुदिनी स्कुल, बालकुमारी मा.वि. नापं ७ गू स्कुलं ब्वतिका:गु ख: । मिर्जपनिगु ७ गू टिम व मिसापनिगु ६ गू टिम याना १३ गू टिम ब्वति का:गु ख: । जनसेवा व मंगल स्कुल फाइनलय् वनेत ता:लागु ख: ।

असार ११ गते जूगु फाइनल कासाय् मिसापनि पाखें जनसेवा उच्च मा.विं मंगल उच्च मा.वि.यात १०-८ अंक बुका: उपाधि त्याकेत ता:लागु ख: ।

अथे हे मिर्जपनि पाखें जनसेवा व मंगल उच्च मा.वि.या दथुइ जूगु ख: । उगु कासाय् नं जनसेवा मंगल यात १२-११ अंक तसकं थाकुक त्याकेत ता:लात ।

कासा लिपा छगू ज्याभव: याना कासामिपिन्त सिरपा: इनेगु ज्या जुल । काठमाडौं जिल्ला खो खो संघया नायो नागेन्द्र बज्राचार्यया सभा नायोसुइ जूगु उगु ज्याभव:या मूपाहाँ नेपाल खेलकुद परिषदया उपाध्यक्ष टेण्डी शेर्पा ख:सा मेपिं पाहाँपिं काठमाडौं जिल्ला खो खो संघया संयोजक उदेन श्रेष्ठ, महासचिव सानुराजा शाक्य, कीर्तिपुर नगर खेलकुद



समितिया संयोजक रमेश महर्जन भायादीगु ख: । काठमाडौं जिल्ला खो खो संघया उपाध्यक्ष प्रदिप

महर्जनं न्ह्याकादीगु उगु ज्याभवलय् देवराज महर्जनं लसकुस यानादीगु ख: ।

कासाय् त्याकूपिन्त मूपाहाँ, पाहाँपिन्सं टूफि, मेडल व प्रमाणपत्र इनाब्यूगु ख: ।

साहित्य/चिनाखँ

नासो

नाति महर्जन
चोचपा, पांगा

युगौ युग पुलांगु नेपा: देय् भीगु
तपोभुमि ख: थ्वा ऋषिमुनितय्गु
मातृभुमि ख: थ्व नेपा: देय्
भी सकल आदिवासीतय्गु ॥

मातृभुमिया सेवा याना उन्नति यायेगु
कर्तव्य ख: भी सकल नागरिकतय्गु
थ:गु मातृभुमि च्छाय् भीसं
योगदान बिइमा थ:म्हं फुगुचा:गु ॥

पुलांगु देग: फल्वा संरक्षण यायेगु
तुँ ओपि गाहिति सफा यानातयेगु
दँ दँ हितिइ ल: मवैगु देसय्
तुँ बपि धैगु भीत मदय्क मगा:गु ॥

बांवांला:गु देग: दरवार थ्व देसय् च्वंगु
नासो ख: भीत आजु बाज्यापनिगु
आजु बाज्यापनि नासो न्त्याबलें म्वाकातेत
समर्पण यायेमा भीसँ जीवन भीगु ॥

सँभ्या: लुँ भ्या:पति बांलाक किया त:गु
कलाकृति व पुलांगु संस्कृति खनेदुगु
व अमल्य कलाकृति आतक क्यनाचन तिनि
म्हसिइका भी आदिवासी नेपा:मितयेगु ॥

यक्व दु:खसिया आजुपिन्सं दयका त:गु
तुँ बपि गाहितिया ल: आतक त्वंकात:गु
देग: फल्वा दरवार दयेका तल इमिसं
थ:गु हिच:ति हाय्का हे क्यनात:गु ॥

देग: फल्वा दरवारे खने दुगु
नेपा:या कला संस्कृतिया नमुना क्यनात:गु
नुग: मिखां बांलाक वालास्वल धा:सा
आतक उके आजुपिनि किपा खनेदु ॥

दरवारया सँभ्या तत:पा:गु
छत छें भ्या: छपातं त्व:पुक देकात:गु
तुनासि हानं पाखा फयका तम्ह
स्व स्वं हे स्वय् मा: तसकं न्त्याइपु ॥
कामुक कलाकृति व तुनासी च्वंगु
स्व स्व आजुपिनि चलाखो
सीप खना: दंग जुयाच्वनिगु
मल पौ तय्म्वा:क धका: दयका
त:गु कामुक कलाकृति खना:
प्वा: त्युत्युं सकलें न्हिला च्वनीगु ॥

लुखा चोसँ तोडले च्वंम्ह ग्यानापुम्ह छेपु
ग्याना: वइगु ताउतक स्वया च्वने मफु
थयेहे ब्वया वया: न्या: वैम्हथें चोंक
थौकन्हेया कालिगढतय्सं दय्के हे मफु ॥

न्त्याक्व स्व:सां स्वये मगा:थें च्वंगु
भ्या: लुखा यें, यल, ख्वप दरवार यागु
देसय् मदु भ्यालं आ:तक क्यनाचनतिनि
मेहनत, सिप, पुलापि कालिगढ तय्गु ॥

तारिफ याना यायथाय् हे मदु
पुलापि कालिगढ आजु पिनिगु
सँभ्या: तिकभ्याले रंग हे तयेम्वा:क
थ:थ:गु हिच:ति हे इला क्यनात:गु ॥

न्त्याक्व स्व:सां लुमदँ भीत
लुँ ध्वाखा वह ध्वाखा देगल्य् दुगु
गुलि स्वल उलि हे स्वय्थें च्वनि
अमल्य कलाकृति पुलां पुलांगु ॥

यें, यल, ख्वप, किपू सहर धा:गु
थ्वहे प्यंगु सहरय् बांला:गु लाय्कु दुगु
थ्व प्यंगु सहरे माला स्वलधा:सा
खनी भीसँ पुलांगु इतिहास नेपा:यागु ॥

माया वं भीत जन्मभुमि भीगु
भीगु मांभाय् व संस्कृति भीगु
भीगु तजिलजि भीगु धर्म संस्कार
कुत यायेमा भीसँ अमर यायेगु ॥

स्वापू भीगु



-प्रशान्त महासागर-

छन्त छक नापला:गु
नुगया खँ प्वकेगु
जित,
तसकं, तसकं हे मास्तिव:
छुयाय,
नुगल्य् दुने ह्वाना ह्वाना: मिं च्या थें च्या:
लुमसँ वइबलय छंगु खँ
छन्त मखु, थ:म्ह थ:त थुकल बिइमास्तिव:
खयतला छन्त छु धा:गु
स्यंगु दक्व फुक्वं जि पाखें हे ख:
द्यो थें छन्त पूजा यानागु हे ख:
ल्वमन जि, मनू छ जि धका
ल्वमन जि, नुगया धा: केनेमत्यो धका
जिं मचा:यक मचा:यक
जिगु घाल्य् मल्ता, चिं हा:याना विल
दोष सुयात जिं बिइगु
मखँगु जिं हे केनागु ख:
खन, फाइदा काल
न्हिल, न्हिके बिया
स्यात, स्या:का च्वना:
धाइनापं दु
च्वयात:गु हनचन यायमा: धका
स्या:चा: लुमका हनचन या:ना च्वना:
न्हिलिगु आशय् नुगल्य् दुने ख्वया च्वना:
खयतला
जिं नं छ हे ख:
अय्सां तवि
ख्वा: ख्वा: पतिक पाईगु प: हे
छ जिं ख: थें च्व: ।

मंदुथे नियम दय्का

कवि राम महर्जन,
नगां, किपू-१६

भीगु नेपा: देय् तसकं बांला
सुन्दर प्रकृति जा:गु देय् ख:
शान्तिया प्रतिक बुद्ध दया: नं
अशान्तिया दिं खालि मजू थन ॥
भीगु नेपा: देय् अतिक बांला
बांवांला:पिं नेतात नं यक्व दु थन
नेता भक्त कार्यकर्तात नं यक्व दु थन
स्वार्थया लागि ज्यान बिइत नं तयार दु थन ॥
सच्चा देशभक्त नं मदुगु मखु थन
न्हापानिसं देश भक्त दु थन
आ:थें खाली भाषण जक बिइस:पिं मखु थन
ज्यान प्राण अर्पण याइपिं राष्ट्रया सहिद दु थन ॥
आ:थें अस्थिर राजनीतिया कारण क्यना
राष्ट्रया सम्पत्ति लुटय्वाइपिं मदु न्हापा
केवल देय् वचय् यायेगु ज्याय्
दतचित्त जुया लगय् जुइपिं ख: न्हापा ॥
आ:याथें केन्द्रिय नेतात नं जनता
पत्या यायेगु भाषण जक बिइस:पिं
गांयापि कार्यकर्तात नं थ:गु खँ मन्योपित
मंदुथे नियम दयका दु: विइपिं दु थन ॥
सत्ता साभेदारीया शक्ति यात
पुरा दुरुपयोग याना च्वंगु दु थन
जनतात जिमिगु ल्हातय् ला ख: नि
काहां जायगा मदनी धैथें याना च्वंगु दु थन ॥
अथे शक्ति दुरुपयोग याइपिं शासकत
न्हापा नं मदुगु मखु थन
इमिगु छु गति जुल इतिहास साक्षी दु
समय सदां स्थिर जुइमखु होस दयेकुसा बांलाई ॥

छिं नं चिनाखँ, च्वसू च्वयादिसँ ज्वजलपा वा:पतिइ पिकायेगु नितिं छ्वया हयादिसँ

तपाईंको टोलमा भएका घटना कीर्तिपुरको समाचार बनाउने
हो भने तपाईं एक कल फोन गर्नुस् हामी तपाईंको टोलको
समाचार कीर्तिपुरको समाचार बनाईदिनेछौं

कीर्तिपुरको
चित्रण



किपुलिं पिदनाच्वंगु कीर्तिपुर सन्देश वा:पौ व ज्वजलपा: वा:पौया ग्राहक जुइगु नितिं स्वापू तयादिसँ

कार्यालय: निखासी टोल: कीर्तिपुर नपा-३
फोन नं.: ४३३३००७, ९८४१४०१०७७

ज्वजलपा वा:पतिइ छिगू चिनाखँ/बाखं/हाइकू विज्ञापन
व मेमेगु च्वसू पिथनेगु जूसा जिमित स्वापू तयादिसँ

सकलसिगु मंका: स:



ज्वजलपा वा:पौ

ज्याकू: निखासी त्वा: किपू नपा-३ फोन ल्या: ४३३३००७,
९८०८६२६४२० ई-मेल : kirtipur_sandesh@live.com

अन्धविश्वासय् लिकुनाच्चंगु विज्ञान



(नेवा:तयसं न्हापांनिसं थथे याये मत्य: अथे याये मत्य: धका: धया वयाच्चंगु दु। थौ वया उकियात अन्धविश्वास धायेगु या:। याये मत्य: धयात:गुया धीधी कार णत दु। उगु कारणयात कुला स्वयेगु ज्या यात धा:सा अन दुने विज्ञान दु। उकिं पन्नारत्न महर्जनं अज्व:गु हे अन्धविश्वासय् लिकुनाच्चंगु विज्ञानयात कया सफू हे च्यादीगु दु। सं)

द्य:पिंके रश्मि दइ

भीत भिं याइम्ह, जया याइम्हसित द्य: धायेगु चलन दु। द्य: लुमनेवं हे मनमनं भक्तिभाव जागृत जुयावइ, आस्था बुयावइ।

थुकीया मतलब ख:, द्य: भी सिकं यक्व भिनी, भीगु भलो चितय् याइम्ह जुइ। भीत छुं नं आपत विपत जुइ वलय छुकिं अथवा सुनां नं अज्या:गु आपत विपत तरय् याना बिल धायेवं अज्या:गुयात “द्य: हे का” धायेगु नं भीगु चलन दु। थज्या:गु कथं भीगु संस्कारय् स्वीस्वक्व:ति द्य:पिं दु।

द्य:पिं धयागु साधारण कथंया जुइमखु। द्य:पिंके रश्मि दइ धयागु मूल्य मान्यता दु। द्य:पिंके रश्मि खना धाडपिं दु। रश्मि व:गु खनीगु लक्षण धाड।

द्य:पिंके रश्मि पिहां वइगु छुं नं चमत्कारी मखु। थ्व विज्ञान सम्मत खँ ख:। न्हापा न्हापाया पक्कापिं गुरुपिंके विज्ञानय् आधारित थज्या:गु ग्यान दु।

छुं छुं तत्व गुलि गुलि मात्राय् ल्वाक छ्याना: मिश्रण दयेकल धायेवं गथे जुइ धयागु इमिसं स्यू।

द्य: दयेकीबलय् न्ह्य:ने ला:पिसं दयेकी मखु। पूरा ज्ञान दुपिसं जक दयेकी अथवा ज्ञान दुपिं न्ह्य:ने च्वना जक दयेकेवी। थज्या:गु विधियात इमिसं विान मधा:से ज्ञान धाल व ज्ञान दुपिन्त गुरु धाल। द्य:पिंके दुने अज्या:गु हे मात्रा मिलय् याना: तयात:गु तत्वया मिश्रण तइ। थज्या:गु मिश्रणयात “न्यास” धाल। न्यासय् छु छु तत्व गुलि गुलि मात्राय् मिलय् याना: तइ, थ्वया अनुसन्धान याये वाकी दनी।

न्यास धयागु छगू प्राण धयाथें ख:। थ्व तल धायेवं जिव दत धाड। थुकिं हे छगू कथंया ज: पिहां वयाच्चनी। थ्वयात हे रश्मि धाड। थ्व दक्वं दयेकात:पिं द्य:पिंके तयात:गु दहे दइ धका: धाये फइमखु। उकिं रश्मि नं दक्वं द्य:पिंके वहे वइ धका: नं

धायेफइमखु। न्यास दुपिंके वइ, न्यास मदुपिंके वइमखु।

न्यास धयागु भौतिक तत्वत मात्रा मिलय् याना: दयेकात:गु छगू मिश्रण ख:। थ्व तयात:पिं द्य:पिनि म्हं छगू कथंया ज: पितवियाच्चनी।

थ्व ज: मतया ज:थें जुइमखु। द्य:या नापसं छकूचा थासय् जक सिमित जुइ। मेगु ज: वइबलय् थुकिया ज:खने दइमखु। खूंसे च्वनी बलय् जक खनेदइ। उकिं थ्व ज: द्य:याके पिहां वयाच्चंगु रश्मिथें जुइ। थ्वहे हुनिं द्य:पिंके रश्मि दइ धाडगु ख:।

भीथाय् अप्ठ: याना: पुलांपुलांपिं द्य:पिं खुया यंकीगु थ्वहे न्यासं याना: ख:। न्यास दुपिं जक माले सम्भव जुइमखु।

उकिं न्ह्याम्हं यंकल। थ्व छगू छुं नं अनुसन्धानया लागि याइगु जुइमा:। द्य:या लागि हे ख:सा द्य: हे याना: तयातये मा:गु ख:।

गवले गवले खुयायंकात:पिं द्य:पिं सम्बन्धित देशं थनयाम्ह द्य: धका: लित नं वीगु या:गु दु। न्यास मदुपिं अथवा



पन्नारत्न महर्जन

न्यास धयागु भौतिक तत्वत मात्रा मिलय् याना: दयेकात:गु छगू मिश्रण ख:। थ्व तयात:पिं द्य:पिनि म्हं छगू कथंया ज: पितवियाच्चनी। थ्व ज: मतया ज:थें जुइमखु। द्य:या नापसं छकूचा थासय् जक सिमित जुइ। मेगु ज: वइबलय् थुकिया ज:खने दइमखु। खूंसे च्वनी बलय् जक खनेदइ। उकिं थ्व ज: द्य:याके पिहां वयाच्चंगु रश्मिथें जुइ। थ्वहे हुनिं द्य:पिंके रश्मि दइ धाडगु ख:।

न्यास लिकाये धुंकूपिं द्य:पिं अनुसन्धान यायेत ज्या ख्यलय् दइमखु।



भिनिदंय् पिथनीगु किपूया गथु प्याखं

(सन्दर्भ असार १४ गते क्वचाइगु)

श्रीकृष्ण महर्जन

इनाय् तुलीगु इलय् सिंघिनी देव कुमारीया पुलिइ क्वत्यला तइगु ख:। अथे हे फुककं द्य:पिं पूर्वपाखे स्वया फयेतुना द्य:भू ल्हायेगु याइ। उकियात सर सल्लाह यायेगु अर्थात खाभाय् ल्हायेगु धाड। चाख:या भुवलय् साफै (भ्याय्चा) छम्ह प्व:स: विइ। अथे बली विइगु अर्थात प्व:स: काइगु इलय् वाडाखा: अर्थात विष्णु भैरवायात ल:ल्हाना विइगु ख:। अले भैर वं हे दक्ले न्हापां प्व:स: काइगु अर्थात हि त्वनीगु ख:।

अनं लिपा गणेद्य:, ब्रम्हायणी, विष्णु, कुमारी, वार ही, इन्द्रायणी, काली, सिंघिनि व व्याग्रिनी प्व:स: काइ। उगु इलय् गंगा धा:सा फ: स्वयाच्चनी। अले गंगायात दुरु त्वंकेगु याइ।

अनं लिपा द्य:पिं नापं गुरुपिन्त सगं विइ। मूद्य: कलशनिसें सकल गरुपिन्त व द्य:पिन्त सगं बाराहीपाखें विद्या हइ। अले गुरुपिन्त सगं विइ धुंका: भैरव, गणेद्य:, जुया सकलसित सगं विइ। सगं विइगु इलय् थ्व तया पाता ख्वला तया ल:ल्हाइगु ख:।

सगं विइगु ज्या नं गंगा छम्हेसित जक जुइमखु। अथे सगं विइ धुंका: समे नया चाख: प्याखं क्वचायेकी।

न्हिनय् क्यनीगु प्याखंयात हे न्हिख: धाडगु ख:। न्हिख:या भुवलय् दक्ले न्हापां गणेद्य: प्याखं ल्हइ। मूद्य:यात हे केन्द्रविन्दु याना अथे प्याखं ल्हइगु ख:। अनं लिपा छसिं कथं गंगा, विष्णु, कुमारी, बाराही, काली इन्द्रायणी, सिंघिनी व व्याग्रिनि याक: याक: प्याखं ल्हइ।

प्याखंया भुवलय् चाख: थें हे न्हिख:या भुवलय् नं कुमारी इनाय् तुलेगु याइ। सकसिनं थ:त त्वा:ता वन धका: तं चाया चा:चा:तुला कुमारी प्याखं ल्हइगु यात हे इनाय् तुलेगु धाड। उगु इलय् सिंघिनी कुमारीया पुलिइ क्वत्यला तइगु ख:। अथे प्याखं ल्हइगु भुवलय् दिपा: नं कायेगु याइ।

प्याखं ल्हइगु भुवलय् काली कच्यूगु खोय् सगं काइ। अथे कच्यूगु खा तछ्याना नइगु यात चीबां का:गु धाड। अले उकियात सगं का:गु नं धाड। पञ्चतत्व ग्रहण याइगु ख:। अथे कच्यूगु खाय् सगं काये धुंका: कतांमरि ल्हातं ज्वना क्व:थलेगु



अभिनय याना प्याखं ल्हइ। काली कतांमरि क्व:थ:गु यात हे असू अर्थात दैत्य क्व:थ:गु धाड। दैत्य क्व:थले धुंका: दैत्यया अरपति मूद्य: कलशनिसें फुकक द्य:पिन्त क्वखायेकेगु अभिनय याना प्याखं ल्हइगु याइ। अबले गुरुपिन्त नं दैत्यया आरपति क्वखायेकेगु कथंया भाय् याना प्याखं ल्हइगु ख:। प्याखनय् भैरवया निम्ह कला बाराही व काली ख: धाड। उकिं इपिं निम्ह न्हयथु लिथु जूगुलिं बाराही तंतं चया प्याखं ल्हइगु ख:। बाराही तंतं चाया प्याखं ल्हइगु याइ। अथे हे सिम्बा व धुम्बा धा:सा नापं प्याखं ल्हइ। न्हिख:या भुवलय् नं वाडाखा: अर्थात विष्णुदेवी प्व:स: कायेगु

निर्ति भैरवयात म्यय्, दुगु, हो व र्वंग: ल:ल्हाना विइ। अनं लिपा भैरवनिसें गणेद्य:, ब्रम्हायणी, विष्णु, कुमारी, बाराही, इन्द्रायणी, कालि, व्याग्रिनि व सिंघिनी प्व:स: काइ।

अबले नं गंगा फ:स्वया च्वनी। अले गंगायात दुरु त्वंकी। अथे प्व:स: काये धुंका: गुरुनिसें सकल द्य:पिन्त बाराही देव पा:ता: ख्वलय् थ्वा तया खो सगं विइगु याइ। अथे खो सगं विइगु इलय् गंगायात धा:सा विइमखु। अथे सगं विइगु ज्या क्वचाये धुंका: समे नया न्हिख: प्याखं क्वचायेकीगु चलन दु। किपूया गथु प्याखनय् स्वेत भैरव अर्थात तुयुम्ह भैरव पिथनेगुयात विशेष

महत्त्व वियात:गु दु। भैरव जुया प्याखं ल्हइम्ह हे स्वेत भैरव जुया प्याखं ल्हइगु ख:। स्वेत भैरव विशेष इनाप कथं पिकाइगु ख:सा किपूया सत:क्वय् धा:सा छुक: पिकाये हे मा:गु बाध्यता दु। ग्वसा:खल:पाखें हे अथे स्वेत भैर व पिथनीगु ख: सत:क्वय्। मेमेगु थासय् धा:सा विशेष इनाप कथं पुजा बिल धा:सा जक स्वेत भैर व पिकाइगु ख:। स्वेत भैरव पिकायेत स्वेत भैरवया निर्ति तयुगु जामा, तयुगु लं व तयुगु गाता नापं होय् छम्ह बली विइत व्यवस्था यायेमा:। अथे सामान तयार याना पुजा विउगु थासाय् स्वेत भैरवया प्याखं पिकाइगु ख:। तुयुम्ह भैरव पिकाइगु भुवलय्

तयुगु गां त्व:पुया स्वेत भैर वयात दबुलिइ पित हइ। गणेदेवं तयुगु गा लाका कायेवं स्वेत भैरव ग्वरा ग्वारा तुला प्याखं ल्हइगु ख:। अनं लिपा सिम्बा: व धुम्बा नं ल: ह्वाला विइ। इन्द्रायणी जाकी ह्वला विइ। अथे हे सिम्बा व धुम्बा नं न्या लाना प्याखं ल्हइ। न्या लाना स्वेत भैरवयात विइगु इलय् इन्द्रायणी लाका काइ। अनं लिपा हाकनं सिम्बा व धुम्बा नं ल: ह्वला विइ। स्वेत भैरव जिइवं इन्द्रायणीयात बुयाना स्वेत भैर व प्याखं ल्हइ। थुगु प्याखंया भुवलय् होय् छम्ह बली विइ। अले स्वेत भैरव सकलसित विदा कया प्याखं ल्हइ।



जेष्ठ नागरिक सेवा केन्द्रय

जेष्ठ नागरिकपिं



वंगु वैशाख ५ गतेनिसैं पांगाय् सुरु जूगु ज्येष्ठ नागरिक सेवा केन्द्र ज्येष्ठ नागरिकपिन्त न्हियान्हिथं सुथय् १० ता:इलनिसैं सनिलया ५ ता: ईतक मुंका: सेवा याना वयाच्वंगु दु ।

सेवा केन्द्रया थ्व सेवाभावं प्रभावित आ: बुलुहुं बुलुहुं यक्व मनुतसैं ग्वाहालि यायेगु याना वयाच्वंगु दु । गुलिसैं चिया विस्कट बिया जलपानया व्यवस्था या:गु दुसा गुलिसैं भोजन नापं बिया ग्वाहालि याना वयाच्वंगु दु । भोजन ग्वाहालि याना: दीपनिगु नां धल: थथे दु ।

जलपान व भोजन व्यवस्था यानादीपिंगु नां धाल:-

१. वैशाख २१ गते नन्दकुमारी महर्जन हनुमानघाट, पांगा
२. वैशाख ३१ गते प्रथम भ्रमण चोभा: गणेशस्थान खाना

प्रायोजन नजरराम महर्जन, रामलाल महर्जन, मुना शाही ३. जेठ १२ गते इश्वरराम महर्जन, पार्वती महर्जन धोकासी पांगा

४. जेठ १३ गते पवित्र विहार भुजिन्द पांगा

५. जेठ १६ गते अर्जुन महर्जन सालिक पांगा

६. जेठ १७ गते कृष्णवहादुर महर्जन र हिरा बज्राचार्य, नयाँबजार कीर्तिपुर

७. जेठ २४ गते अमन महर्जन हनुमानघाट

८. जेठ २५ गते रामशरण डंगोल, सिकुछें, पांगा

९. जेठ ३२ गते कार्यविनायकमा दोस्रो भ्रमणमा खानाको प्रायोजन गर्ने, इश्वर क्याटरिंग र सचिव हरिदेवी महर्जन

१०. असार २ गते जलवहादुर महर्जन, दिख्य: पांगा

११. असार ३ गते केशव प्रजापति, सानु प्रजापति स्वयम्भू, सानो भयाड

१२. असार ५ गते पञ्चलाल महर्जन र सुनिता शाक्य, क्वयुना

१३. असार ६ गते उजेन महर्जन, सिकुछें, पांगा

१४. असार ७ गते शंकर डंगोल, ढोकाफः, पांगा

१५। असार ८ गते जगेश महर्जन, बेजिङ्ग, चीन

१६. असार ९ गते इन्द्रमान पाधु पांगा

१७. असार १० गते नरेन्द्र महर्जन, लाछी

१८. असार १२ गते गणेशमाया महर्जन, इचाख्यः, पांगा

१९. असार १३ गते प्रणय महर्जन, सालिक, पांगा



हरिशरण महर्जनया लुमन्ति सभा

किपूया समाजसेवी, न्यायप्रेमी नेपाली कांग्रेसया पुलाम्हे क्षेत्र नं.१०या क्षेत्रिय सभापति हरिशरण महर्जन वंगु २०७२ साल असार १० गते आकाभाकां मदुगु खः । वय्कः मदुगु दच्छिया पुण्यतिथिइ वय्कःया लुमन्ति म्हगः असार ११ गते कृष्ण क्याटरिंग हलय् लुमन्ति सभा यात ।

हरिशरण महर्जन प्रतिष्ठानं ग्वसारगु उगु सभाया सभा नायो प्रतिष्ठानया नायो राममान सिंहया नायोसुइ प्रतिष्ठानया महासचिव प्रणय सिंह मुन्नां न्ह्याकूगु खः । मूपाहाँ नेपाली कांग्रेसया केन्द्रीय सदस्य नापं सभासद किशोर सिंह राठौरं हरिशरण महर्जनया किपालय् स्वांमा: देछासैं त्वारवालय मत च्याका: ज्याभवःया उलेज्या यानादीगु खः ।

मेपिं पाहाँपिं नेपाली कांग्रेस यल जिल्लाया सभापति नापं सभासद मदन अमात्य, काठमाडौं क्षेत्र नं.१० या सभासद राजेन्द्र कुमार के.सी, डा. रणवहादुर रावल, पुलाम्हे राज्यमन्त्री दिलिप महर्जन, नयाँशक्तिया पंचलाल महर्जन, नेपाली कांग्रेस काठमाडौं सचिव राजकुमार महर्जन, नेपाली कांग्रेस क्षेत्र नं १० या सभापति पुकार महर्जन, किपू नगरसमितिया सभापति कृष्णमान डंगोल, प्रा.डा. शिव शरण महर्जन, शम्भुराम महर्जन नापं वय्कःया छेंजःपिं नं भायादीगु खः ।

हरिशरण महर्जन प्रतिष्ठानया सचिव शशिर महर्जन लसकुस न्वचू बिइगु भवलय् हरि शरण महर्जनं यानादीगु खानेपानी, शिक्षा, यातायात, लालपुर्जा इनेगु इलय् यानादीगु योगदानया बारे चर्चा यानादिल । पंचलाल महर्जन, दिलिप महर्जनपिन्सं हरि शरण न्ह्याबलें पार्टीया नीति सिबें च्वयेच्वना: किपूया भलाईया निति ज्या यानादीगु खँ कनादिल । अथेहे राजकुमार नर्कर्म, पुकार महर्जन व कृष्ण मान डंगोल वय्कलं नेपा:या आन्दोलनय् बियादीगु योगदान नापं पार्टीयात च्वन्ह्याकेत यानादीगु योगदानया बारे चर्चा यानादिल ।

अथेहे नागरिक समाजया संयोजक नापं हरिशरण महर्जनया पासा प्रा.डा. शिवशरण महर्जनं हरि शरण महर्जनं कीर्तिपुर यातायात पलिस्था यायेगु, कीर्तिपुर बहुउद्देश्यीय सहकारी पलिस्था यायेगु अले किपुली लालपुर्जा मर्दिपं जनतायात लालपूजा इनाबिइगु ज्या यानादीगु खँ कनादिल । फेक्ट नेपाल व कीर्तिपुर अस्पतालया डाइरेक्टर भरत वहादुर प्रधानं किपूया जनताया स्वास्थ्य सेवा यायेगु तातुना: हरिशरण महर्जनं ५२ रोपनी जग्गा बिया: कीर्तिपुर अस्पताल पलिस्था यायेत ता:ला:गु खँ न्हयथना दिसैं कीर्तिपुर अस्पतालं किपूमितय्गु सेवा याना वयाच्वंगु खँ कना:दिल ।

सभासद राजन के.सी. राजनीति विकासया निति जुइमा धैइगु हरिशरणया बांला:गु धारणा खः । थः नं किपूया विकासया निति ज्या यानाच्वंनगु न्हयथंसे छुं नं कथंया मभिंगु ज्या याना किपूया इज्जतय् धक्का मयायेगु वचं नं सभासदं बियादिल ।

छिं स्यूला थें असार १४ गते धुंका: १२ दँ लिपा जक स्वये खनी ?



सफू दइगु थाय् १) ख्वपया च्याम्हसिंहया स्टेशनरी पस: (श्याम सुन्दरया पस:), २) ख्वप कमल विनायकया स्टेशनरी पस:, ३) किपूया सतःक्वया स्टेशनरी पस:, ४) किपूया देय् पुगूया बाघभैरव स्टेशनरी पस:, ५) किपूया पांगा दोवाटोया किपू बूक प्वाइट, ६) येंया भोताहिनि नातिबज्रया पस:, ७) येंया कुलाभुलिइ च्वंगु मंका: धुकू पस:, ८) यल, यल ध्वाखा अर्जुन स्टेशनरी पस:, ९) स्वापू नितिं मेमेगु फोन नम्बर: ४३३४०९३, ९८४१७५२५८३, ९८४६०४६१२३९

किपूया गथु प्याखं (गं मखा:गु प्याखं)

सफू बजारय् पिदने धुंकूगु दु थःगु प्रति सुरक्षित यानादिसँ

सफुतिइ दुने

- १) गथु समुदायया इतिहासनिसें वर्तमान तक
- २) गथु प्याखनय् दुथ्यानाच्वंगु तान्त्रिक व बैदिक दर्शन
- ३) नासः छःयात किसिलिं छाये तइगु खः ?
- ४) किपूया गथु प्याखनय् दुथ्यानाच्वंगु थीथी पक्ष
- ५) गथु प्याखंया थीथी नां
- ६) किपूया ख्वा:पा: प्याखं मध्ये गथु प्याखं नापं मेमेगु

मू

सच्छि तका जक (१००/-)